



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Vita P. Balthassaris Alvarez, Societatis Iesv Religiosi**

**Puente, Luis de la  
Coloniae Agrippinae, 1616**

§. 3.

**urn:nbn:de:hbz:466:1-43347**

Ignatio, post longam in meditationibus exercitationem, quam in libro suorum exercitiorum nos docuit: & similiter fecit cum Patre Balthassare, & faciet cum ijs omnibus, qui simili cura & studio se ad eam suscipiendam præparauerint: si tamen ad maiorem ipsorum perfectionem id expediet, & illi cum humilitate & resignatione perseverauerint in ritè habenda oratione ordinaria, quæ ad excelsiorem gradus quidam est, & aditum præbet.

## §. III.

**H**AEC perseverantia, non præscripto Deo Domino Nostro suæ Visitationis tempore, valde necessaria est, ut voti sui compos quis euadat: nam, ut vidimus sexdecim annos detinuit Dominus noster Patrem Balthassarem in modo ordinariæ orationis, sicut etiam Matrem Theresiam de IESU per annos octodecim, ut in eius vita scripsit Pater Franciscus Ribera; *Lib. 4. c. 2.* & alij Sancti longum etiam tempus expectarunt. Nec id mirum videri debet: nam, si Patriarcha a *Iacob quatuordecim annis* cum im- *a Gene. 29.* menso labore seruiuit, ut *Rachelem* sponsam *30.* suam dilectam obtineret, quæ figura est vitæ contemplatiuæ: quid mirum, quod eam excellenter adepturi, diuinamque sapientiam spiritualiter ducturi laborent, multisque annis desudent, ut eam obtineant? maxime cum hac ipsa diligentia, & studio ingentia alia bona sibi comparent: eò quod tale desi-

desiderium innitatur profundæ humilitati; quia  
 tanto dono indignos agnoscunt: ac propterea co-  
 nantur se ipsos amplius purificare: ne ab eius am-  
 plexibus tanquam indigni repellantur; desideria  
 crescunt, ac diligentia, vt, quod tanti faciunt, ob-  
 tineant; patientia & fiducia valde exercetur, an-  
 perficitur; nec propter tot moras abijciunt an-  
 mos. His inquam & alijs virtutibus reddunt se di-  
 gnos superno hoc Contemplationis dono: quod  
 cum obtinent, ostendunt se magis gratos ipsi Do-  
 mino largitori; magisq; sollicitos & attentos  
 eo custodiendo, & fructibus eius colligendis  
 finem & scopum, in quem sibi datum intelligunt.  
 Ac denique exemplo & experientia sua exhortan-  
 tant nos, adduntq; animum ad perseverandum in  
 oratione, etiam multis ariditateibus, & afflictio-  
 nibus toleratis: siquidem fideliter perseverans  
 pulsans ad ostia Dei, tandem exauditur, & admi-  
 titur ad excessam dulcedinem familiaritatis eius.  
 Expertus id est P. Balthassar expletis prædictis  
 sexdecim annis, colligens sibi utilitates, & fru-  
 ctus prædictos dilationis huius & moræ Domi-  
 ni: & ex eo, quod ipse fuerat expertus, exhorta-  
 batur nos, ad perseverantiam in oratione, admi-  
 randis hisce sententijs. Accedamus fratres cum  
 perseverantia ad ostia Dei, quæ nobis patent, ac  
 certè si pulsauerimus nobis aperientur, iuxta ver-  
 bum promissionis ipsius, cum dixit: *b. petitur &*  
*Luca. 11. 9. dabitur vobis; pulsate & aperietur vobis.* Nam  
 non ad eò nos hæc promissio consoletur, vt ne  
 que hæreamus, cogitantes, quòd tardet, vt pro-  
 pterea à pulsando cessemus; neque tali cogitatione  
 ni locum demus, quod tanta nostra in agendo  
 gida

giditas impedire possit eius verbi executionem, “  
 si humiliter eam futuram confidamus. Nam “  
 etsi velimus soli naturali rationi locum dare, in- “  
 uenimus, nullum esse ad dura corda emollien- “  
 da, & multò magis ad ea, quæ sunt aliàs mol- “  
 lia permouenda, quàm quòd aliquis pauper ad “  
 limen portæ domus præ frigore tremat vt “  
 statim iubeant aperiri. Persistamus itaque fra- “  
 tres ad ostium magni huius Dei, etiam cùm “  
 præ frigore tremimus: nam nobis minimè co- “  
 girantibus, iubebit c *Assuerus Mardocheum intra-* c *Ester. 6.*  
*re, & faciem Regis videre:* tantusque erit eius pro- to. 8.1.  
 ductus, vt omnium laborum obliuiscatur, quos “  
 multis diebus subiit exspectans ad illa ostia du- “  
 rus & instar lapidis congelatus. Nam de Iusto “  
 scriptum est, quod d *audiuerit Deus vocem ipsius,* d *Eccl. 45.3.*  
*& induxerit illum in nubem:* ex qua redijt copiosè “  
 remuneratus ob toleratos labores in exspecta- “  
 tione & perseuerantia pulsandi. “

In huius rei confirmationem dixit de se ipso,  
 magnâ constantiâ ipsi opus fuisse ad moras Dei  
 sustinendas, exspectanti, vt ipsius commiseratio-  
 ne moueretur, suisque misericordijs ipsum re-  
 pleret. Addebât etiam, Deum ob alteram ex  
 duabus causis differre, animabus se manife-  
 stare: aut quòd sint in suis vitijs sepultæ,  
 eaque exuere differant: nam vnumquodque  
 vitium est instar obscurissimæ nebulæ, crea-  
 toris conspectum impediens; aut, vt melius in-  
 telligant, quantum illud sit bonum, quod quæ-  
 runt: pro quo obtinendo tam multa tolerent, &  
 tardè adhuc inueniant. Et in illis temporis in-  
 terstitijs varijs modis ea s probat, internis scili-  
 cet

L

cer

cet afflictionibus, & poenis etiam externis: vti  
 intelligamus, ingens esse bonum, quod querimus  
 pro quo obtinendo tamdiu & tot modis labora-  
 mus. Ex his omnibus licet colligere praestantiam  
 orationis, quam sanctus hic vir est consecutus;  
 ingentia dona, quae per illam accepit. Si enim or-  
 dinarie qualis fuit semetis, talis & solet esse me-  
 fis; & ad mensuram dolorum mittit Deus conso-  
 lationes; & iuxta laborum magnitudinem, pra-  
 mia distribuit: qui per sexdecim annos continuo  
 seminavit, summoque studio ac diligentia, vti hoc  
 donum acciperet, laboravit; & ad eius mensuram  
 Deus illud concessit, qui multo liberalior est  
 dandum, quam nos sciamus petere, aut cogitare  
 quam excellenter illud ei concesserit, cum copios-  
 sissima meritorum messe, spiritualium conso-  
 lationum abundantia, aliisque gratijs, ac donis, qua-  
 feruentium praemium esse solent! Si bona arbor  
 ex bonis fructibus cognoscitur: quam erit ex-  
 cellens illa oratio, quae tales profert fructus, qua-  
 les iam diximus? & qui sunt excellentiores fru-  
 ctus duodecim illis, quos ipse in sua Relatione  
 refert? & qui sunt tanquam duodecim selecti fru-  
 ctus eius arboris vitae, quam Deus in paradiso  
 plantavit Ecclesiae suae & Societatis: & quemad-  
 modum ait S. Ioanes: *eligna illa paradisi ferre fru-*  
*ctus novos per menses singulos:* ita hic Pater singulis  
 mensibus, imò dieb. singulis eos renouabat: quod  
 erat testimonium insignis familiaritatis & con-  
 suetudinis, quam occultè habebat cum  
 Deo suo, vnde illi id totum  
 proueniebat.